

Kalesia
Naoa itəm Pol təməte tuwın kəm
iəfak mın ikın Kalesia
Nəghatən əkuəkir rəha naoa u
Kalesia

?Pah təməte naoa u? Aposol Pol təməte naoa u.

?Təməte tatuwın kəm pah? Təməte tatuwın kəm niməfak mın itəm kotatig pis ikın e nıtən Kalesia, inu Ikoniam, Listra, ne Tepe. Pol in təmətuoun niməfak mın əh nian in təmaupən maliwək e rəhan naliwəkən mın.

? Nəmegəhən tahro nulan nian təməte? Nəratən asol kit e niməfak e nian əh rəha Pol. Netəm Iaihlua tepət koatən nıpahrienən e Iesu Kristo. Kən netəm Isrel tepət koatən nıpahrienən e Iesu. Məto netəm Isrel neen koatən məmə Iaihlua mın itəm kotən nıpahrienən e Iesu, okotəkəike kətəu-pən lou mın rəha Moses, tahmen e nəhg-ipənən. İlat kəmoatən məmə Iaihlua mın okəkəike kəhg-ipən ilat okəmə kotalkeike məmə okotuwa kətuatip e nıganəmti Uhgın.

? Təməte naoa u o naka? Pol in təməte naoa u, məmə otəg-ətuatip-in nətəligən rəha netəm Isrel itəm koatən məmə Iaihlua mın okotəkəike kətəu-pən lou rəha Moses okəmə ilat kotalkeike məmə Uhgın in otosmegəh ilat. Pol tolkeike məmə iəfak mın okotıtun məmə nahatətən in suatip itəm Uhgın təmöl məmə etəmim otətuatip e nıganəmtın, kən in tatosmegəh ilat e nıkin agien. Məto nolən rəha nəhg-ipənən, o nolən rəha wək əskasik mın, o nolən rəha nətəu-pənən

lou, kəsotosmegəhən etəmim. Netəm-iasol rəha niməfak rəha Isrel kəmoatəpələh əpəh Jerusalem moatəghat-in nətəligənən mīn əh. Kən moatən məmə təwir əm məmə Iaihlua mīn okəsotətəupənən lou rəha Moses. Afīn e Wək Mīn 15:1-35.

Pol təmatuoun matəghat kəm ilat

¹⁻² Piak mīn ne winik mīn itəm nəkoatəfak latuənu pīsīn pīsīn mīn ikīn Kalesia, io Pol, io aposol kit rəha Uhgīn, ekatəte naoa u, mītahl-ipīnə kəm itəmat. Io ne piatat mīn neen itəm koatəfak u ikīn-u, ekotolkeike məmə ekotən “təwir” kəm itəmat. Io u inu, itəm Iesu Kristo ne Tata Uhgīn kəmialəs-ipər io məmə io rəhalau aposol. Uhgīn u, in təmiləs-ipər Iesu taiir-pa mīn e rəhan nīmīsən. Sənəmə etəmim əpnapīn əm kit təmaun-in io kən mīləs-ipər io, məto Uhgīn. !Tol nəhlan, onəkotəkəike motəto!

³ Pəs Uhgīn, u Tata rəhatat, ne Iesu Kristo, u Iərəmərə rəhatat, ilau okuawte-in nəwīrən rəhalau kəm itəmat kən muələhəu nəməlinuən tətatiɡ otəmat.

⁴ Iesu Kristo təmegəhan-in atip məmə in otimis o nolən rat rəhatat, kən miuw rəkis itat e nolən rat mīn ne nətəligən rat mīn rəha nətueintən. In təmīmīs məto-inu Tata Uhgīn tolkeike məmə in otol mihin.

⁵ Tol nəhlan, təwir mə kitat okotənwiwi pik Uhgīn u rəhatat, tatuwīn, matuwīn, namnun tikə. Əwəh. Pəs otol mihin.

Namnusən Təwir kitiah əm

⁶ Narmək təmiwig pik otəmat məto-inu roiu aɡin-əh huə Uhgīn təmaun-in pap itəmat e nəwīrən rəha

Iesu, tɛmawte-in-pinɛ ɛpnɔpin ɛm kɛm itɛmat. Mɛto roiu itɛmat nakotapɛs Uhgɪn, moatagim, moatɛtɛu-pɛn nɛghatɛn eiueiuɛ min.

⁷ Nɛghatɛn min ɛh sɛnɛmɛ Namnusɛn Tɛwɪr rɛha Uhgɪn. Netɛmim neen kɛmotɛuhlin Namnusɛn Tɛwɪr rɛha Uhgɪn moatɛn in pɪsin, kɛn katɛn mɛmɛ in namnusɛn tɛwɪr, kɛn katiuw kalin itɛmat lan, kɛn katɛrɛkin rɛhatɛmat nɛtɛligɛn lan. !Mɛto Namnusɛn Tɛwɪr kitiɛh ɛm, kɛn kit min tikɛ!

⁸ Nat ɛpnɔpin okɛmɛ io, o nagelo kit rɛha nego e neai tɛtamnus-iarɛp nɛghatɛn pɪsin kit min, itɛm tɛsahmenɛn e inun emotɛn-iarɛp rɛkis kɛm itɛmat aupɛn, pɛs Uhgɪn otɪlɛs-ipɛn e Nigɛm Asol.

⁹ Kɛn ekɪsɪmatɪp min, matɛn mɛmɛ, okɛmɛ suah kit otamnus-iarɛp nɛghatɛn pɪsin u, tɛsahmenɛn e Namnusɛn Tɛwɪr itɛm itɛmat ninɛmotitun rɛkis, pɛs Uhgɪn otɪlɛs-ipɛn e Nigɛm Asol.

¹⁰ Rɛhak nɛghatɛn ɛh in tɛskasɪk, kɛn nat ɛpnɔpin ɛm okɛmɛ netɛmim neen kɛsotagienɛn ron io. Iakolkeike ɛm mɛmɛ niki Uhgɪn otagien o nɛghatɛn rɛhak. Okɛmɛ iatɛghat ɛh mɛmɛ netɛmim neen nikilat otagien ron io, kɛn ko sɛnɛmɛ io iolwɛk pahrien kit rɛha Kristo.

Uhgɪn Tɛmaun-in Pol

¹¹ Piak min ne winik min, ekolkeike mɛ ekɛn-ipinɛ ɛtuatɪp kɛm itɛmat mɛmɛ Namnusɛn Tɛwɪr itɛm iatɛn-iarɛp nian rafɪn sɛnɛmɛ nat kit itɛm tɛmisi-pɛn e nɛtɛligɛn rɛha etɛmim ɛm.

¹² Namnusɛn Tɛwɪr u, sɛnɛmɛ suah kit tɛmos-ipa kɛm io, kɛn mɛgɛtun io lan, mɛto Iesu Kristo ɛm in tɛmerɛh e rɛhk-kapɛ.

1:7: Wɛk 15:1,24
Mat 16:17

1:8: 1 Kor 16:22

1:10: 1 Tes 2:4

1:11:

¹³ Itəmat ninəmotitun rəkis rəhak nolən min itəm ematol aupən e nian ematəfak itimat netəm Isrel. Kən emən mə oekoh rafin netəmim min rəha Iesu, mərəkin-ərəkin agin niməfak, kən matol nalpınən əskasik kəm ilat.

¹⁴ E nian əh, io ematətul-iəkis o nəukət kastom rəha netəm Isrel, itəm rəhak pipi min kəmotəgətun io lan aupən. Emitun taprəkis-in io min neen, itəm emotaiir ahmen.

¹⁵ Nat əpnapin ematərəkın pap rəhan min netəmim, məto Uhgın təmasəkitun io. Aupən ikin təmitəpun kən mawle rəkis io e nian emətətig əh e nərpı rəhak mama. Kən təmuwa e nian ətuatip rəhan, in təmaun-in io mə ekuwa io, rəhan etəmim.

¹⁶ Kən Uhgın təmerəh e rəhk-kapə, məgətun io e nətin Iesu, məmə oekitun wir in, kən muwin mamnus-iarəp Namnusən Təwir rəhan kəm netəm min u sənəmə ilat netəm Isrel, katən ilat məmə Iaihlua min. E nian əh, io eməsuwinən mehm suah kit mə otəgətun io e Namnusən Təwir əh.

¹⁷ Kən io eməsuwinən əpəh ilis Jerusalem məmə oekehm netəm min u kəmoatol aposol aupən. Eməsuwinən mə okotəgətun io e Namnusən Təwir rəha Iesu. E nian əh, io eməsou-pis-pən əpəh ikin kit Arepia, kən matig mitəlig-pa min muwin əm latuənu kit, nərgin u Tamaskes.

¹⁸ Matuwın, matuwın nup kisil kinəhaluwa minəhaluwın rəkis un, kən io emətig mitəlig-pən min Jerusalem məmə ekehm Pita. Kən eməsətigən tuwəh, emuatig mios nian fiftin əm.

¹⁹ Kən e nian əh, emehm əm Jemes u, pia Iesu, İərəməərə rəhatat, məto eməsəplanən aposol min u neen.

²⁰ İatən pahrien e niganəmti Uhgın məmə nəghatən u, nıpahrienən, sənəmə neiuəən.

²¹⁻²² Eməsətigən tuwəh əpəh ilis Jerusalem. Kən uarisig un, emuwın əpəh nitən Siria ne Silisia. Kən e nian əh, netəmim itəm koatəfak kəm Kristo latuənu pisin pisin min nitən Jutia, (nitən asol rəha Jerusalem), ilat kəməsotəplanən əh io motəruru niganəmtək.

²³ Məto kəmoatəto əm namnusən u, netəmim neen kəmoatən məmə, “Suah əpəh in əpəh, rəhatat tikimır, tətətoh itat o nəfakən, matərəkın nəmegəhən rəhatat, kən mətalkut məmə otərəkın min rəhatat nahatətəən. Məto roiu əh, in min tinatən-iarəp Namnusən Təwir rəha İesu.”

²⁴ Kən ilat kəmotənwiwi pik Uhgın o natimnat min itəm in təmol e rəhak nəmegəhən, in təməuhlin-pa io ekol nulan.

2

Aposol min neen kəmotegəhan-in wək rəha Pol

¹⁻² Tatuwin, matuwin minos nup fotin tinuwa minuwın rəkis un, kən Uhgın təmən-ipa kəm io məmə ekəike mıtəlig-pən min əpəh ilis Jerusalem. Kən itımlau Panapas emian kən miait Taetas itıməhal min məhaluwın. Kən eməhaluwın kiet-arəpən Jerusalem, emotuəfimin itımat netəmiasol min əm rəha niməfak. Nian emotəpələh e nuəfiminən əh, io ematən-ipən wir nəghatən min itəm ekuwin matən-iarəp kəm İaihlua min, ilat

sənəmә netәм Isrel. Emән-ipән wır natımnat mın rafın agın kәм ilat mәto-inu esolkeikeән mәмә nıkilat otәht mәмә rәhak nәghatән tәsәtuatıpән, kән moatән rat rәhak wәk, tol nat әpnapın әm lan, noan tıka.

³ Kән e nian әh, nıkık tәmatәht pık mәмә kәtah okotәhai io mә ekәike mән-ipән kәм Iaihlua mın, mәмә okәike kәhg-ipән ilat. Mәto kәмәsotәнән. Kән io kit u, Taetas, in etәм Kris, sәнәмә etәм Isrel, kәsәhg-ipәнән әh. Mәto ilat kәмәsotәнән mә okәike kәhg-ipән.

⁴ Nәнән rәha nәhg-ipәнән tәmisi-pән e netәmim neen kәmoateiuә әm mәмә ilat piatat mın. Kән ilat kәmotalkәlik wır mәмә okotehm-tu mәмә itımat ekoatәtәu-pән әh Lou, o kәp. Mәto itımat enotiet rәkis mınotuwin o Iesu Kristo, kән mınotol kitıәh itımat mın, kән itımat sәнәмә slef rәha Lou. Mәto netәм mın әh, nıkilat tәmәsagienән o rәhatımat nәghatән mın, kән motolkeike mәмә okotәgo-pән itat rafın e Lou ne kastom rәha nәfakән rәha netәм Isrel. Kән kәmotән mәмә okәike kәhg-ipән Iaihlua mın tahmen e Taetas.

⁵ Mәto emotән-iәhau ilat mәsotolән mәмә rәhalat nәghatән otәр maprәkis-in rәhatımat. Kән itımat emotaskәlim әskasık nәghatән pahrien tәtatıg e Namnusән Tәwır, mәмә itәmat onәkotıtun wır.

⁶ Kән netәmim neen әh-ikın katән ilat mәмә ilat netәм-iasol mın rәha nimәfak, (mәto e nehmән rәhak, etәм tatos nәrıg asol, ne etәм tәsosән nәrıg asol, ilau kuahmen ahmen әm. Kән e nıganәmti Uhgın, in tәsafınән nәrıg mın әh). Kән netәм mın

əh kəməsotəgətunən io e nəghatən wi kit, məmə ekuwɪn mamnus-iarəp.

⁷⁻⁸!Kəpə! Kəməsotolən, məto-inun ilat kəmotitun əm məmə, e nəsanənən rəha Uhgɪn, in təmiləs-ipər io məmə io aposol, kən mɪtəhləpɪs-pən io mə ekuwɪn mən-iarəp Namnusən Təwɪr kəm Iaihlua mɪn. Kən e nəsanənən əh, tɪnɪləs-ipər rəkɪs mihɪn Pita, məmə in mɪn in aposol. In otatən-iarəp Namnusən Təwɪr kəm netəm Isrel.

⁹ Kən Jemes ne Pita* ne Jon, katən iləhal məmə nəukəti nıməfak mɪləhal. Nian kəməhaləplan, kən məhalitun məmə e nəwɪrən rəha Uhgɪn, in təmos-ipa wək u e nelmək. Kən kəhaluwa məhalol sekhan etɪmlau Panapas məmə itɪmat ekotol əm kitɪəh. Kən emotən mə oekotoor wək mɪn. Itɪmlau oekɪan muamnus-iarəp Namnusən Təwɪr kəm Iaihlua mɪn, kən iləhal okəhaluwɪn məhalən-iarəp kəm netəm Isrel.

¹⁰ Kən ilat kəmotən-ipa əm nəghatən kitɪəh əm məmə nɪkɪtɪmlau otəkəike matəht ian-rat mɪn əpəh Jerusalem məmə ekuasitu elat. Məto, nɪkɪk tɪnagɪen rəkɪs o wək əh.

Pol təməhai Pita

¹¹⁻¹⁴ Kən uarisɪg un, emɪtəlɪg-pən əpəh ləhau taon kit Antiok. Nian emətətɪg ɪkɪn əh, kən Pita təmuarisɪg mɪn muwa. Kən Pita təmətagwən ilat in mɪn neen koatəfak, məto ilat Iaihlua mɪn. Kən nian netəmim mɪn rəha Jemes, itəm kəmotɪsɪ-pən Jerusalem motɪet-arəpa, ilat kəmotəhai Pita, motəmə, “Iaihlua mɪn u, okəike kəhg-ɪpən ilat. Məto okəmə kəsolən, Uhgɪn okol təsasituən elat.”

2:7-8: Wək 22:21
ikɪn-u məmə, “Sɪfas.”

*

2:9: Nəghatən Kris ətuatɪp tatən nərgɪ Pita
2:10: Wək 11:29-30

Kən nəghatən u kəmoatən təmərəkīn Pita, mol taulis kən məgin nuwīn mīnən magwən təlmin netəm kəsəhg-ipənən ilat. Kən nolən rat əh Pita təmol, miuw e kitat mīn neen əpəh Antiok, ilat iəfak mīn u noanol mīn rəha Isrel, ilat mīn kəmos o Pita moatol nolən rəha etəmim itəm tatəghat e nolən kəiu, kən moatəgin netəm kəsəhg-ipənən ilat. Motatig kiuw mīn e Panapas, təgin mīn ilat. Kən e nian eməplan məmə ilat kīnəsotətəu-pən ətuatipən suatip itəm Namnusən Təwir tatən, kən eməhai-pən əm Pita e niganəmtilat, matən-ipən əskasik məmə, “Nat əpnarīn ik etəm Isrel, mətə nəsosən əh rəhatat nolən. ?Kən tahro natəkəike kəm netəm mīn u kəsəhg-ipənən ilat məmə okəhg-ipən ilat?”

Etəmim itəm otatəhətə e Iesu, Uhgīn in otasitu lan

¹⁵ Kən e nian əh, io emən-ipən wīr kəm Pita məmə nīpahrienən məmə itīmlau emiasipən ətuatip e noanol rəha netəm Isrel. Itīmlau sənəmə Iaihlua mil itəm netəm Isrel nīkilat tatəht məmə ilat rafin nol təfagə mətə-inu kəsotətəu-pənən e lou.

¹⁶ Mətə roiu ekiatun məmə Uhgīn təsafinən etəmim kit məmə in tətəuatip e niganəmtin mətə-inu in tatətəu-pən ətuatip Lou rəha netəm Isrel. Etəmim itəm tətəhətə pahrien e Iesu Kristo, in əmun tətəuatip e niganəmti Uhgīn. Nətəligən əh in əh, tol itimat mīn netəm Isrel, oekotəkəike motəhətə əm e Iesu Kristo məmə ekotətəuatip e niganəmti Uhgīn. Uhgīn təsafinən itimat mətə-inu ekotətəu-pən Lou, mətə in tətəfin əm itimat mətə-inu ekotəhətə e Iesu Kristo. Etəmim kit okol

təsətuatipən e niganəmti Uhg̃in məto-inu in tatətəu-pən pik Lou.

¹⁷ Itimat u netəm Isrel, kən ekotahatətə e Iesu Kristo məmə ekotuwa motətuatip e niganəmti Uhg̃in. Məto netəm Isrel neen, n̄ikilat tatəht məmə itimat nol təfagə məto-inu esotətəu-pənən lou. ?Tol nəhlan, in Kristo itəm tatol məmə itimat nol təfagə, o kəp? !Kəp! Sənəmə tol min nəhlan.

¹⁸ Məto təfagə pahrien in tol min nulan, okəmə ek̄itəlig-pən min matətəu-pən lou. Okəmə ekatol min nəhlan, kən io esətuatipən e niganəmti Uhg̃in. Nolən əh tatəgətun əsas əm məmə io iol təfagə rat.

¹⁹⁻²⁰ Tol nəhlan məto-inu, nian emalkut pik o nətəu-pənən Lou, kən eməplan məmə nolən u təsahmenən məmə tatol io ekətuatip e niganəmti Uhg̃in. Tol nəhlan, emapəs nətəu-pənən Lou o nuwamən etəm ətuatip. Tahmen məmə em̄imis, kən roiu e nəmegəhən wi rəhak, Lou təsərəmərəən lak. Emol nəhlan məmə ekol əm nətəligən rəha Uhg̃in. In tahmen məmə itimlau Kristo, kəmətu-pər itimlau min e niḡ kəməluau. Nəmegəhən oas rəhak təm̄imis. Məto emaiir-pa min itimlau Kristo. Kən roiu u, sənəmə io iatəmegəh, məto Kristo in tatəmegəh e n̄ikik. Kən e nəmegəhən rafin rəhak, ekətahatətə əm e Nəti Uhg̃in, itəm təmolkeike pik io, kən muwa m̄imis mos megəh io.

²¹ Nolkeikeən u, Uhg̃in təmawte-in-pa kəm itat, in iahgin pik. Kən okol esərəkinən nolkeikeən əh itəm Uhg̃in təmawte-in-pa əpn̄ap̄in əm. Məto iatəplan məmə itəmat min neen, nəkoatətəu-pən Lou mə otol itəmat nəkotətuatip e niganəmti Uhg̃in.

Məto okəmə nəkoatol nəhlan, kən itəmat nəkotol nat əpnapın əm e nımısən rəha İesu Kristo

3

Netəm Kalesia kəmotapəs suatip

¹ ! Netəm Kalesia, itəmat nınotalməl pik! ? Pah təmasıg itəmat matuwın e suatip eko-eko nəhlan? Emotən-iarəp wır pap kəm itəmat məmə İesu təmos nahməən e rəhan nımısən otəmat, məto təhro? ? Okəm-naka suah kit təmos-ıpən-os-ıpən kəm itəmat kən miuw rəkis itəmat mol itəmat nınotalməl pik?

² ? Otən-tu kəm io məmə, Uhgın təmos-ıpınə Narmin Rəhan kəm itəmat məto-inu itəmat nakotətəu-pən Lou, o kəp? Kəpə, in təmos-ıpınə kəm itəmat məto-inu itəmat nakotahətətə e Namnusən Təwır rəha İesu Kristo.

³ ? Təhro? ? Nakotalməl pik nəpo lan? Itəmat nəmotətəuoun wır nəmegəhən wi rəhatəmat e İesu Kristo e nasıtəən rəha Narmin Rəha Uhgın, kən məto roiu, itəmat nınotalkut məmə onəkotapəs, kən motuwa netəm ətuatip e rəhatəmat əm nəsanənən.

⁴ Nəmoatətə nahməən tərət məto-inu nəmotahətətə e Namnusən Təwır. ? Nəmotətə nahməən əh əpnapın əm? Kəp, nahməən əh sənəmə rəha nat əpnapın əm.

⁵ Narmin Rəha Uhgın təməsolən nat pıspıs mın kəm itəmat məto-inu nəkoatətəu-pən Lou. İn təmol məto-inu itəmat nəmotətə Namnusən Təwır rəha İesu Kristo kən itəmat nakotahətətə lan.

Nətəu-pənən Lou, ne nahatətəən e İesu

⁶ Otətelligin-tu nat kit oekən. Suah kit, Epraham, itəm Naoa Rəha Uhgın təməghat-in-iarəp rəkis minu lan məmə:

“Epraham in təmahatətə əskasik e Uhgın, kən tol nəhlan, Uhgın təmən məmə in tətuatip e niganəmtin.”

⁷ E suatip kitiəh əm, netəmim itəm koatahatətə e Uhgın, in tətəfin ilat məmə kotahmen e noanol ətuatip rəha Epraham.

⁸ Naoa Rəha Uhgın təmən rəkis aupən məmə Uhgın otos Iaihlua min, kotuwa ron mol ilat kotətuatip e niganəmtin e nahatətəən rəhalat. Aupən, Naoa Rəha Uhgın təmən-iarəp nəghatən wir kit kəm Epraham məmə:

“Otisi-pən e rəham noanol, kən ekawte-in rəhak nəwirən e netəmim rəha noanol min rafin e nətueintən.”

⁹ Kən Uhgın təmawte-in rəhan nəwirən kəm Epraham məto-inu in təmahatətə əskasik lan. E suatip kitiəh min əm, Uhgın titun nawte-inən nəwirən kəm netəmim itəm koatahatətə pahrien lan.

¹⁰ Məto netəmim min un, itəm nikilat tatəht məmə ilat okotos nəmegəhən məto-inun ilat koatətəu-pən rafin nat naka itəm Lou tatən, netəm min əh, ilat kinotatig rəkis e nelmi nəratən. Tahmen-pən əm e Naoa Rəha Uhgın tatən məmə:

“Netəmim itəm kəsotol ətuatipən natimnat min rafin itəm kotatig e naoa rəha Lou, ilat kinotatig rəkis e nelmi nəratən, kən okotəkəike motos nalpinən kit.”

11 Kæn tol næhlan, tætuatip æm o kitat mæmæ suah kit tikæ itæm tatuwa tætuatip e niganæmti Uhgîn mæto-inu in tæmætæu-pæn Lou, mæto Naoa Ræha Uhgîn tatæn min-nulan mæmæ:

“Etæmim itæm tætahatætæ e Uhgîn, in tatuwa tætuatip e niganæmtin, kæn in otos næmegæhæn pahrien.”

12 Næghatæn æh, tatæghat-in nahatætææn ræhatat e Uhgîn. Nolæn ræha nætæu-pænæn Lou, in tæсахmen-ahmenæn e nolæn ræha nahatætææn e Uhgîn. In æh, mæto-inu nolæn ræha nætæu-pænæn Lou, tahmen-pæn æm nulan, Naoa Ræha Uhgîn tatæn mæmæ:

“Etæmim itæm tolkeike mæmæ otos næmegæhæn pahrien mæto-inu tatætæu-pæn ætuatip Lou, in otækæike mol natimnat min rafin agin itæm Lou tatæn.”

13 Netæmim rafin agin kæsotol ætuatipæn nat naka itæm Lou tatæn. Tol næhlan, Lou in tæmælæhæu nalpînæn tætatig o kitat rafin, kæn kitat rafin kotatig e nælmi næratæn. Mæto Iesu Kristo tæmimis e nig kæmæluau, kæn miuw rækis kitat e nælmi næratæn æh. Iesu in tæmos nalpînæn otat tahmen-pæn æm e Naoa Ræha Uhgîn tatæn mæmæ:

“Etæmim kit, itæm kæmohamnu kætu-pær e nig, nolæn æh tatægætun-pæn mæmæ Uhgîn in tæmol nalpînæn kæm in.”

14 Mæto roiu, Iesu tæmimis næhlan mæmæ netæmim æpnapin min rafin, ilat okotatig e næwîræn itæm Uhgîn tæmæn kæm Epraham mæmæ, in otos-ipæn kæm noanol min ræhan. Kæn nat æh tol næhlan mæmæ inu roiu kitat netæm kotahatætæ e Iesu, kitat

kotitun nosən Narmin Rəha Uhgın itəm Uhgın təmən məmə otos-ipən kəm netəmim.

Uhgın təmaupən mol nəniəkisən rəhan, məto Lou təmuarisig təsafələn

¹⁵⁻¹⁶ Piak mın ne winik mın, e nəmegəhən rəhatat, kitat kotitun nolən u rəha nəniəkisən. Nian suah kit tatol, okol kəsafələn, kəsətu-pənən kit mın. E suatip kitiəh əm, Uhgın təmol nəniəkisən kit kəm Epraham o rəhan kit noanol. Kən e nəghatən əh, təməsənən məmə Uhgın təmən-iəkis noanol mın rafin rəha Epraham, məto təmən əm məmə etəmim kitiəh əm otisi-pən e rəhan noanol, etəmim u, in İesu Kristo.

¹⁷ Kən rəhak nəghatən, nıpətın tol nulan məmə, aupən, Uhgın təmən-iəkis məmə otətəskəlim nəghatən rəhalau Epraham, məto uarisig nup fo-hanrit-tate təmuwin rəkis, kən Lou təmuwa. Məto Lou əh, okol təsərəkinən nəghatən itəm in təmən kəm Epraham, okol təsafələn nəniəkisən rəha Uhgın.

¹⁸ Kən okəmə kitat kotatig e nəwirən rəha Uhgın məto-inun kitat koatətəu-pən Lou u, tatəgətun-pən məmə nəniəkisən itəm Uhgın təmol aupən in nat əpnarın əm. Məto təsolən nəhlan. Məto-inu kitat kotəplan Epraham in təmətatig e nəwirən mın rəha Uhgın məto-inu in təmaskəlim-iəkis nəniəkisən rəha Uhgın.

Lou rəhan əh-ikin wək

¹⁹ Suah kit otəpanətapəh məmə, “? Okəmə tol nəhlan, kənu Uhgın təmos-ipən Lou kəm Moses

o naka?" Kæn ekıtun nænæn kæn itamat u-roiu mämæ naniäkisæn itäm Uhgın tæmol kæn Epraham in tæmaupæn matig, mæto Lou in tæmuarisig in. Tæmuwa mämæ otægætun æm kitat netämim mämæ okotıtun mämæ kitat nol tæfagæ rat. Mæto Uhgın tæmælæhæu Lou æh mämæ otatig matuwın matuwın mætoarus etämim u noanol ræha Epraham otaiir-pa otat. Kitat kotıtun mämæ Lou æh, ræhan wæk tæwir, mæto nikitat otækaike mataht mämæ Lou æh, Uhgın tæmaupæn mos-ipæn kæn nagelo mın, uarisig tæpanos-ipæn kæn etämim kit u Moses. Moses, in suatıp o nos-ipa mın Lou kæn itat. Mæto nian Uhgın tæmol naniäkisæn ilau Epraham, tæmæsölæn næhlan.

²⁰ Uhgın in tæmæsölæn suatıp kit mämæ suah un otægæt kæn Epraham. Mæto in ætuatıp æm tæmægæt mæn-ipæn naniäkisæn ræhan e niganæmti Epraham.

²¹ Kæn sænämæ Lou æh tæmuwa mæ otærækin naniäkisæn ræha Uhgın. Kæpæ, tæsölæn næhlan. Okämæ Lou titun nos-ipamæn næmegæhæn wi kæn kitat, kæn kitat kapotıtun nuwamæn kætuatıp e niganæmti Uhgın. Mæto tæsöl mihinæn.

²² Mæto Lou kit tol næhlan tikæ. Mæto-inu Naoa Ræha Uhgın tatæn mämæ nolæn rat tæmælis rafin kitat. Kæn kitat rafin koatætghl Lou mın. Tol næhlan mämæ, suatıp kitiæh æm mämæ kitat okotos næwiræn mın ræha Uhgın itäm tæmæn-iækis rækis. Kæn suatıp u mämæ koatahatætæ e Iesu Kristo.

Nian u-roiu ræha nahatætæn e Iesu Kristo

²³ Aupæn, Lou itäm Uhgın tæmos-ipæn kæn Moses, in tæmataskælim kitat tiækis, tahmen æm mæ kitat kæmotatig e kalapus, mætoarus-pa u-roiu, Uhgın

tāmerəh e niganəmtitat kotəplan suatip rəha nahatətəən.

²⁴ Kən Lou əh, in tahmen əm e etəm-iasol kit itəm təmatərəməərə etat, muwa mətoarus-pən nian Kristo təmuwa, məmə e nian əh, kitat kinotuwa motəuatip e niganəmti Uhg'in, məto-inun, kitat kəmotahatətə lan.

²⁵ Məto roiu əh, Lou okol təsərəməərə minən etat, məto-inun nian rəha nahatətəən e Iesu Kristo tinəmuwa rəkis.

Itəmat rafin kitiah əm e Iesu

²⁶ Kən məto-inun itəmat nəmotahatətə e Iesu Kristo, itəmat rafin, nenəti Uhg'in min.

²⁷ Kən kinol baptais rəkis etəmat, məmə itəmat nakotuwa motol kitiah itəmat min. Tol nəhlan məmə, itəmat ninotos nolən w'ir min rəha Iesu tahmen əm məmə nəmotalpin nipətītəmat e natimnat wi.

²⁸ Kən itəmat rafin ag'in nəmotuwa motol kitiah itəmat Iesu Kristo, kən itəmat rafin ninotahmen əm. Təw'ir məmə kitat kəsotoor minən netənim, nat əpnap'in okəmə in etəm Isrel o in Iaihlua kit, in slef kit o in sənəmə slef kit, in iərman kit o in pətan kit.

²⁹ Itəmat rafin netənim rəha Iesu. Tol nəhlan, itəmat noanol min pahrien rəha Epraham. Kən e suatip kitiah əm, nəw'irən min itəm Uhg'in təmən- iəkis kəm Epraham, itəmat onəkotos motatig lan.

4

Kitat nenəti Uhg'in

3:23: Kal 4:3 **3:24:** Rom 10:4 **3:26:** Jon 1:12 **3:27:** Rom 6:3 **3:28:** Rom 10:12 **3:29:** Rom 4:13

¹ Roiu əh, oekəghat məsin min e nolən rəhatat, oekən muəh nimaa nəghatən lan. Okəmə suah kit, in otimis kənu nətin in otos rəhan nəwirən min rafin, məto okəmə nətin tatəkəku əh, kənu kol təsosən nəwirən rəhan. Nətin tahmen əm e slef kit, nat əpnapin rəhan nəwirən min rafin.

² In otəkəike mətatig əm e nelmi rəhan min, tatuwin matuwin mətoarus-pən nian rəhan tata təmən in minitun nosən natimnat min itəm rəhan tata təmələhəu kəm in.

³ Kənu kitat min kotahmen-pən əm nəhlan. Aupən kitat kotahmen əm e suakəku əh. Kitat slef min rəha iərmis min itəm kəmoatərəmərə etat.

⁴ Məto tinuwa e nian ətuatip itəm Uhgın təmən, kən Uhgın təməhl-ipa nətin tuwa, pətan kit təmiləs taiir-pa e nətueintən, kən in matətəu-pən wir natimnat rafin itəm Lou in tatən.

⁵ Təmol nəhlan məmə otikis rəkis kitat u, Lou təməlis ətain itat, kənu Uhgın otəhl kitat, miləs-irəkis kitat tahmen əm e nenətin ətuatip min.

⁶ Kənu roiu əh, Uhgın tolkeike məmə in otol pəs kitat kotitun məmə kitat nenətin min, təməhl-ipa Narmin rəha Nətin təmuwa e nikitat min rafin, kən matol itat kotaun-in Uhgın məmə, “Tata.”

⁷ O nat əh, kitat sənəmə slef min əm, məto kitat nenəti Uhgın pahrien min. In tatos-ipa natimnat wir min kəm kitat, itəm in tinəmən rəkis məmə otos-ipən kəm nenətin min.

Pol nikin titahmə o netəm Kalesia

⁸ Aupən itəmat nəmotəruru Uhgın. Itəmat nəmoatəfak əm iərmis min məmə rəhatəmat uhgın

m̄in, ilat k̄amot̄alis ət̄ain it̄emat, m̄eto ilat s̄an̄am̄e
ilat uhḡin pahrien m̄in.

⁹ M̄eto roiu əh, ninot̄itun Uhḡin. O t̄əw̄ir il̄ə m̄əm̄e
ek̄ən n̄əhlan m̄əm̄e Uhḡin t̄initun r̄ək̄is it̄emat. ?
M̄eto ekolkeike m̄əm̄e ek̄ətap̄əh-tu ot̄emat m̄əm̄e
n̄əkot̄it̄elig-p̄ən m̄in o īərm̄is m̄in o naka? R̄əhalat
n̄əsan̄ən̄ən t̄ik̄ə, k̄ənu kol k̄əsotol̄ən-ta nat w̄ir kit
k̄əm it̄emat n̄ian kit ne. T̄əhrol nakot̄əm̄e ilat
ok̄oat̄alis m̄in it̄emat?

¹⁰ ? T̄əhrol it̄emat nakot̄ət̄əu-p̄ən n̄ətuak̄əm̄ən
r̄əhalat e n̄ian m̄in r̄əhalat, ne m̄əw̄ig m̄in r̄əhalat,
ne n̄ian asim m̄in, ne nup m̄in r̄əhalat o naka?
? N̄ikit̄emat t̄əht m̄əm̄e okol Uhḡin n̄ikin tagien
ot̄emat ron?

¹¹ !K̄əsi n̄əman! !Io ekat̄əḡin aḡin ot̄emat! !
Ek̄at̄əplan m̄ə emol w̄ək p̄ik et̄emat o nat əpn̄ap̄in
əm!

¹²⁻¹³ Piak m̄in ne w̄in̄ik m̄in, io ekat̄ən əskas̄ik
k̄əm it̄emat m̄əm̄e, aupp̄ən it̄emat n̄əm̄əsot̄at̄iḡən
e Lou kit, k̄ən io emuwa mehm it̄emat koat̄at̄ig,
emos nol̄ən r̄əhat̄emat. Em̄əsət̄əu-p̄ən̄ən Lou.
K̄ən roiu, ekolkeike m̄əm̄e it̄emat m̄in on̄əkotos
nol̄ən r̄əhak, ek̄əsol̄ən m̄əm̄e Lou ot̄ask̄əl̄im p̄ik
io t̄iək̄is. It̄emat n̄ikit̄emat t̄əht u, aupp̄ən n̄ian io
emat̄ən-iar̄əp Namnus̄ən T̄əw̄ir k̄əm it̄emat, m̄əto-
inu n̄im̄is̄ən r̄əhak t̄əmol, k̄ən ek̄ət̄at̄ig kitat m̄in
it̄emat. M̄eto nat əpn̄ap̄in m̄əm̄e io emat̄im̄is e n̄ian
əh, m̄eto it̄emat n̄əm̄əsotol̄ən io ek̄əto t̄ərat.

¹⁴ N̄im̄is̄ən r̄əhak t̄əmal̄ək̄iamt̄ə it̄emat, m̄eto
it̄emat n̄ikit̄emat t̄əməs̄əht rat̄ən io, k̄ən m̄əsot̄ən
rat̄ən io. It̄emat n̄əmoatos w̄ir io moatuw̄in e
n̄ip̄əg noanim̄e m̄in r̄əhat̄emat, tahmen əm m̄əm̄e
io nagelo kit r̄əha Uhḡin, o io, io Iesu Kristo.

15 Aupən, itəmat nəmoatolkeike pik io, eməplan məmə okol napotitun nolən nat u, napotos-iarəp əm niġanəmtək u tərət, kawluin ilau itəm təwīr kit rəhatəmat, pəs tasitu lak. ?Məto tīnahrol əh-roiu?

16 Nīkik təht məmə, okəmə naka nəghatən min pahrien rəhak təmol itəmat nakotetəhau io.

17 İəgətun eiüə min un, koatalkut pik məmə onəkotəuhlin rəhatəmat nətəligən moatətəu-pən ilat. Məto ilat kəsotolən məmə otasitu etəmat. Kotolkeike əm məmə okotiuw rəkis itəmat ron io məmə itəmat onəkotalkut pik o nətəu-pənən ilat.

18 In nat təwīr məmə nakotalkut pik o nolən natimnat, məto nəkotəkəike motalkut o nat itəm in təwīr, nat əpnəpīn ekətətiġ kitat min itəmat, o esatigən kitat min itəmat.

19 Io min neen, io iatəto tərət aġin-əh otəmat təhmen-pən əm e pətan itəm məntaan tīnatahmə məmə otemək, matuwīn matuwīn mətoarus itəmat nakotos nolən ətuatip rəha İesu Kristo e rəhatəmat nəmegəhən.

20 Ekolkeike pik məmə ekətətiġ kitat min itəmat u-roiu məto-inu okəmə ekətətiġ, okol esagət pikən etəmat. Məto roiu etətiġ isəu otəmat nəhlan, kən məruru mə ekəhrol nulan masitu etəmat.

Namsu rəha Heka ne Sera

21 Itəmat netəm nakotolkeike pik nətəu-pənən Lou, onəkotuhəlpīn-tu rəhak nəghatən. ?Nəmotəto rəkis nat naka itəm Lou tatən, o nəsoətətoən əh?

22 In tatən Epraham itəm təmīləs nətīn iərman kəiu. Kit itəm slef rəha pətan rəhan təmīləs, kən kit rəhan pətan ətuatip təmīləs, sənəmə in slef məto pətan əh rəhan.

²³ Suakəku itəm pətan slef təmīləs in təmaiir e nətəligən əm rəha netəmim. Məto suakəku itəm pətan ətuatip əh rəhan təmīləs, in təmaiir məto-inu Uhgīn in tīnəmən-iəkis rəkis məmə pətan əh otīləs.

²⁴⁻²⁵ Kən kitat kotitun nənən namsu rəha pətan mil əh kən motəuhlin-pa nīpətīn etat. Pətan mil əh ilau katuəgətun nənən mil itəm Uhgīn təmol kəm netəmim. Pətan u Heka, in ne nətīn mīn ilat slef mīn əm, okətələkīəmtə ilat. Kən pətan əh Heka, in tahmen e nənən itəm Uhgīn təmol e nītōt Sinae əpəh e nītən asol Arepia, ikīn əh inəh Uhgīn təmos-ipən Lou ikīn kəm Moses. Kən in tahmen mīn e taon asol kit u Jerusalem itəm netəm ikīn kotaskəlīm əskasik Lou, kən ilat kotahmen e slef mīn itəm Lou tatəlīs ətāin ilat.

²⁶ Məto Jerusalem kit mīn əpəh ilīs e neai, in tahmen e pətan itəm sənəmə slef, itəm Lou təsəlīs ətāinən, kən in mama rəhatat.

²⁷ Inu nəghatən kit e Naoa Rəha Uhgīn tatən nəhlan məmə,

“!Ik u inu, nīməgi-nīg, agien!

Ik u inu, nəməsətoən nahməən kit o neməkən, agət əfəmə, məto-inun nīkim tətagien!

Ik nəməsiləsən suakəku nian kit ne, məto roiu əh, nenətīm mīn tīnol tepət tepət agīn, taprəkis-in nenətī pətan itəm rəhan iərman təsapəsən.”

²⁸ Piak mīn ne wīnik mīn, itəmat nenətī Uhgīn mīn məto-inun təmən-iəkis məmə otol mihīn. Itəmat onəkotahmen e Aisak u aupən, nətī Sera.

29 Kən aupən suakəku u Ismael, nətī Heka, itəm təmair e nətəligən əm rəha netəmim, in təmatərəkin pik suakəku u Aisak itəm təmair e wək rəha Narmīn Rəha Uhgīn. Kənu roiu ne, nolən əh tatuwin əm nulan, ilat itəm slef rəha Lou koatərəkin kitat itəm kəmotair wi e Narmīn Rəha Uhgīn e nahatətəən.

30 ?Məto Naoa Rəha Uhgīn təmən məmə naka? In təmən məmə,

“Ik onakəkəike mahl-iarəp pətan un slef ne nətīn. Ilau kuagim rəkis u ikin-u, məto-inun, nətī pətan əh, in okol təsosən nəwīrən kit rəha tata. Nəwīrən mīn rafin rəha tata otuwīn kəm nətī pətan itəm sənəmə slef.”

31 Məto kitat u, kitat sənəmə nenətī pətan slef, kitat nenətī pətan itəm sənəmə slef.

5

Iesu təmikis rəkis rəhan mīn netəmim

1 Nian Iesu Kristo təmikis rəkis itat, təmöl kitat məmə Lou təsəlis ətainən kitat. O nat əh inəh, itəmat onəkotəike motətul əskasik. Sotətəu-pənən Lou, məmə otərəməərə etəmat. Lou əh, titaləkiamtə itəmat, məmə itəmat onəkotuwīn motol wək mīn rəhan.

2 Otətəlig-in-tu io. Io Pol iatən nəghatən u kəm itəmat. Okəmə itəmat onəkotegəhan məmə ilat okotəhg-ipən itəmat, kənu nat u itəm Iesu təmöl təsasitu aginən etəmat.

3 Kən io iatagət əskasik otəmat məmə etəmim itəm otegəhan məmə okəhg-ipən in, in otos-ipən atip əm in e nelmi Lou. Kən etəmim itəm tətətig

e nelmi Lou, otækaike matätäu-pән rafin agin natimnat min itәм Lou tatән mәмә otol.

⁴ Itәmat u, itәм nakotalkut-alkut o nätәu-pәнән Lou mәмә otol itәmat nәkotәtuatip e niganәmti Uhgın, itәmat ninotәte rәkis atip itәmat o Iesu Kristo. Itәmat ninotәhән-ipән rәkis mәntaatәmat o nәwirән rәha Uhgın.

⁵ Kән mәto kitat u, okotәlәhәu-pән әm rәhatat nәtәligән e Uhgın, pәs in otol kitat kotәtuatip e niganәmtin, mәto-inun kitat kotahatәtә әm e Iesu Kristo. Kән Narmın Rәha Uhgın, in otol itat koatәtul әskasik kән motәsahgin mәtoarus nat un otiet-arәpa.

⁶ Nian kitat kotuwa motakul-pән e Iesu Kristo, nat әpnapın okәмә etәmim kәмәhg-ipән o kәsәhg-ipәнән, mәto nat asol un, in rәhatat әm nahatәtәән e Iesu Kristo. Nahatәtәән әh, in tol kitat kotolkeike Uhgın, motatig katol min nolkeikeән kәм netәmim min.

⁷⁻⁸ Aupән, emәplan itәmat kән mitun mәмә itәmat nakotaiu әsanән e suatip әtuatip e nәmegәhән rәhatәmat, mәмә nakotәtoarus mak, mәto roiu, nәmotitәlig. Uhgın tәmaun-in rәkis itәmat. ?Tol nәhlan, ekolkeike mәмә ekәtapәh-tu mәмә, pah min kotaiuosig e rәhatәmat suatip, moatiuw kalin itәmat mәмә onakoatәtәu-pән min Lou? !Ekitun mәмә okol Uhgın tәsән-iәhauән itәmat nәhlan!

⁹ In tahmen e nәghatән kit itәм katән nulan mәмә, “Ilat kәmotis noanig rat kit, tinatәwiә, matәrәkin nәtәligән rәhatәmat.”

¹⁰ Məto ekıtun məmə nıpahrienən İərəmərə in otol nətəligən rəhatəmat tuwa mın mol kitıəh kitat mın io. Kən io ekıtun wır məmə etəmim u itəm tatərəkın rəhatəmat nətəligən nulan, nat əpnəpın in etəm-iasol o in etəm ahrol kit, məto Uhgın otol nalpınən kit kəm in.

¹¹ Piak mın ne wınık mın, nəghatən neen itəm katən məmə io, ekatən-iarəp əh məmə netəm kəmotahatətə e Uhgın okəike kəhg-ipən ilat məmə Uhgın otasitu elat. Məto nəghatən əh, sənəmə nıpahrienən. Okəmə io ekatən-iarəp nəhlan, kən netəm mın u itəm koatan itəmat mın ilat, nıkilat otəgıen əm ron io. !Məto otəplan-tu! Netəm İsrəl neen, koatərəkın əh io, koatıtəp io, moatoh io, məto-inun io iatən-iarəp məmə nımısən rəha İesu e nıg kəməluau, in əm un, in otosmegəh kitat.

¹² ! E rəhak nətəligən, netəm mın un itəm koatərəkın nətəligən rəhatəmat moatən məmə okəike kəhg-ipən itəmat, təwır məmə ilat okotuwin motəte-atıp ilat mın!

¹³ Məto piak mın ne wınık mın, Uhgın təmaun-in itəmat, kən mıkıs rəkıs itəmat, məmə Lou itəm Uhgın təməs-ipən kəm Moses in otəsəlisən itəmat. !Otətə wır itəmat! Nıkıtəmat otəsəhtən məmə, “Təwır, io enəgım rəkıs e Lou əh. Roiu əh, io ekıtun nolən natımnat rafın itəm nıkık tolkeike.” İtəmat, onakəsotənən nəhlan. Məto nolkeikeən rəhatəmat otəkəike mol itəmat nıkıtəmat tagıen məmə onəkotasitu etəmat mın.

¹⁴ Nolən əh, in tatətəu-pən wır nəghatən kit rəha Lou, u itəm titərgəfımın rafın nəghatən pısın pısın mın rəha Lou, in tatən məmə, “İk, onakolkeike

netəmim rafin, kən matol təwır kəm ilat, tahmen əm mə ik nakatol atıp kəm ik.”

¹⁵ Itəmat onəkotəkəike katəto wır itəmat. Okəmə itəmat nəkoatol timəht kəm itəmat mın, nəkotahmen əm e kai mın, koatus atıp əm ilat mın, kən nəghatən rəhatəmat otərəkin itəmat.

Nolən rəha Narmın Rəha Uhgın ne nolən rəha netəmim

¹⁶ Io, ekolkeike mə ekən nəghatən kit kəm itəmat. Itəmat, Narmın Rəha Uhgın otəkəike matit itəmat kən itəmat nakotətəu-pən, kən itəmat məsotosən nolən rat aupən rəhatəmat, itəm nəmotos kaiir-pa.

¹⁷ Nolən rat aupən əh, inun, nəkoatol natimnat tərət itəm nikitəmat tolkeike. Məto nolən əh, in tetəhau nolən rəha Narmın Rəha Uhgın. Kən Narmın Rəha Uhgın in təsolkeike mınən nolən rat aupən kəmos kəiir-pa moatol. Nolən mil əh kətioal təməht kəm ilau mın, kən tatol məmə nəkəsotolən nolən wır mın itəm nakotolkeike məmə onəkotol.

¹⁸ Sotaluinən nat kit, okəmə Narmın Rəha Uhgın tatit itəmat, kənu Lou in təsəlis ətain mınən itəmat.

¹⁹ Kitat kotitun əm nolən rat aupən rəha netəmim itəm kəmos kəiir-pa moatol. Nıpitan ne nəman ne, koatit anion ilat mın; kən ilat koatol nolən rat rafin itəm tol naulisən o nənən; rəhalat nətəligən tatuwın pık o nolən rat mın əh.

²⁰ Ilat koatəfak kəm narmi nat mın, moatəmik nərik, moatos təmafah rat mın, moatol kilepa, ne. Kənu moatol mın timəht, moatəmou, moatetet, moatol neməha, moatos-ipər atıp əm ilat, moatoor

ilat m̄in, k̄ən ok̄əm̄ə r̄əhalat n̄ət̄əlīḡən tol p̄is̄in p̄is̄in, k̄ən ilat koat̄əhai ilat m̄in.

²¹ N̄ikilat t̄ət̄akl̄əh-in nat̄imnat r̄əha net̄əm p̄is̄in, moat̄ənim n̄ənim̄ən m̄in k̄ətap̄is lan, k̄ən moatol lafet katagien lan o nol̄ən nat t̄ərat m̄in əm, moatol m̄in nat̄imnat t̄ep̄ət m̄in tol n̄əhlan. !Iat̄ən m̄in tahm̄ən-p̄ən əm m̄əm̄ə em̄ən aup̄ən m̄əm̄ə, oat̄əto w̄ir it̄əmat! M̄əto net̄əm koatol nol̄ən m̄in əh, okol ilat k̄əsotuwam̄ən motat̄ig ahgin n̄ərəm̄ərəən R̄əha Uhḡin it̄əm tatol əpen-əpenə lan.

²² M̄əto noa Narmin R̄əha Uhḡin it̄əm t̄ət̄əwīə e n̄əmeḡəh̄ən r̄əha net̄ənim r̄əha Uhḡin, in tol nulan. Ilat koatolkeike net̄ənim, k̄ən n̄ikilat t̄ətagien, k̄ənu n̄əm̄əlinūən t̄ət̄at̄ig e n̄ikilat, k̄ən r̄əhalat n̄ət̄əlīḡən kaif̄əm̄əh, k̄ən moatasakitun et̄ənim, k̄ən r̄əhalat nol̄ən in t̄əw̄ir t̄əw̄ir. K̄ən net̄ənim kotitun m̄ə ilat net̄əm ətuat̄ip, koatol noa.

²³ K̄ən ilat net̄əm m̄ət̄ig. K̄ən nian n̄ət̄əlīḡən rat t̄at̄ig elat, ilat kot̄ətul əskasik, m̄əsotol̄ən nat̄imnat rafin it̄əm ilat at̄ip kotolkeike nol̄ən. Nol̄ən m̄in u, ilat kot̄əw̄ir p̄ik, k̄ən n̄əghat̄ən kit tik̄ə o Lou kit, m̄əm̄ə ot̄ən-īəhau it̄əmat m̄əm̄ə on̄ək̄əsotol̄ən nat̄imnat m̄in əh.

²⁴ Kitat u net̄əm r̄əha Iesu Kristo, kitat kin̄əmotap̄əs r̄əkis nol̄ən rat m̄in r̄əhatat, u k̄əmoatol nat̄imnat m̄in it̄əm n̄ət̄əlīḡən əm r̄əhatat tolkeike. Tahmen əm nulan m̄ə, k̄əm̄əht-ip̄ən n̄ət̄əlīḡən rat m̄in r̄əhatat e nig k̄əm̄əluau.

²⁵ !Kot̄əplan-tu! Narmin R̄əha Uhḡin in t̄əmos-ipa r̄əkis n̄əmeḡəh̄ən kit k̄əm̄ə kitat, k̄ən t̄əw̄ir m̄əm̄ə kitat okotaliw̄ək e nol̄ən w̄ir m̄in r̄əhan.

26 Tərat məmə kitat okotausit motos-ipər pik kitat, motiuw-pər nəratən, moatetet kitat mīn.

6

Təwir məmə kotasitu e katipa əfigəm rəhatat mīn

¹ Piaκ mīn ne wīnik mīn, okəmə itəmat kit təme e rəhan nəmegəhən, təwir mə itəmat un, Narmin Rəha Uhgīn tatit itəmat, onəkotəkəike motasitu lan motəg-ətuatip-in. Məto onəkəsotagət pikən lan, onəkotəghat mətig əm kəm in, motol məmə nikitəmat mīn tīahmə ron. Məto otəto mīn itəmat, məmə nat kitiah əm itəm itəmat nakotən-iahau etəmim ron, otəseko-pa mīnən otəmat.

² Itəmat onəkotasitu nəhlan etəmat mīn. Onəkotalis kələh nat əfigəm rəhatəmat mīn. Okəmə nəkotol nəhlan, kən itəmat nakotətəu-pən wīr nat naka itəm Lou rəha Kristo tatən.

³ Təsəwīrən məmə kitat okotos-ipər atip kitat. Okəmə suah kit nīkin tatəht mə “Io, io etəm agin-əh kit,” etəmim un, nīkin tateiuə-in, məto in təruru məsəplanən məmə in nat əpnapīn əm.

⁴⁻⁵ Məto itəmat onəkotəike motəplan wīr-tu natimnat itəm noatol mīn. Tol nulan məmə, okol etəmim kit in təsakil atipən rəhan wək ne wək rəha suah kit mīn. Məto in otəkəike mehm wīr rəhan pīsīn əm wək aypən. Məto-inun, netəmim rəhalat wək mīn tol pīsīn pīsīn. Kən ilat koatos katipa əfigəm pīsīn pīsīn mīn e nəmegəhən rəhalat kitiah kitiah. Məto təwir məmə etəmim kitiah nīkin otagien o rəhan wək, okəmə rəhan wək təwir əm.

⁶ Itəmat u, təwīr məmə itəmat onəkotawte-in natimnat mīn neen kəm rəhatəmat nəgətun mīn, itəm koatəgətun itəmat e nəghatən rəha Uhgīn.

⁷ Oatəto itəmat, soteiuə-in atipən itəmat mīn məmə itəmat nəkotitun nolən nat əpnapīn kit itəm nikitəmat rat aupən nakotolkeike. Kən okol nəkəsotolən ialmə e Uhgīn. Ik nəmīs noanīg naka e rəham nasumən, kən ik onakəhl atip mīn noan, mun.

⁸ Etəmim itəm tatasum-in nolən rat aupən, itəm kəmos kair-pa moatol, tahmen e noanīg rat e rəhan nəmegəhən, in otəkəike məhl noan tərət mun, kənu noanīg un, otəe-in, nīpətīn u, Nīmīsən. Məto etəmim itəm tatis noanīg wīr, itəm Narmin Rəha Uhgīn təmos-ipən, Narmin Rəha Uhgīn otol toe-in, noan wīr kit, kən in otəhl. Nərgīn noanīg un, in Nəmegəhən Lilin itəm namnun tīkə.

⁹ Sotəpou-inən nolən itəm təwīr, məto-inu kitat okotəhl noanīg wīr əh, e nian ətuatip rəhan, okəmə kəsotapəsən wək.

¹⁰ Kən nian mīn rafin itəm kotitun nolən, pəs koatol təwīr kəm netənim rafin, kən motatīg katol tepət mīn kəm netəm mīn u kotahmen e piatat mīn ne wīnitat mīn e Iesu Kristo.

Namnun nəghatən rəha Pol təmən kəm ilat

¹¹ Oekəte rəkis namnun nəghatən rəhak e naoa e nelmək əm.* Itəmat onəkotəplan məmə leta mīn rəhak, ilat iahgīn mīn.

6:6: 1 Kor 9:11,14 **6:8:** Rom 8:13 * **6:11:** Nian Pol təməte naoa u, in təməghat, kən suah kit mīn təməte rəhan nəghatən e naoa. Roiu in tatos pen, kən tatəte atip e nelmīn.

¹² Netəm Isrel u koatən məmə okəike kəhg-ipən itəmat, ilat kotausit əm e niganəmtilat min neen o nat u. Məto ilat koatən nəhlan o nat kitəh əm, məmə netəm Isrel neen min okəsotolən nəratən kəm ilat.

¹³ Kən ne nat kit min, netəm min əh, kotolkeike məmə okəhg-ipən itəmat məto-inu kotausit əm məmə okotol win etəmat lan. Kən motiuw kalin itəmat, nakotitəlig motuwın min e nelmi Lou rəha netəm Isrel. Məto otəplan-tu, ilat min kəsotətəupən wırən natimnat min itəm Lou tatən.

¹⁴ Məto io rəhak, io ekəsən wi atipən io o nat kit itəm emol. Məto ekolkeike məmə ekənwiwi əm nat naka İrəmərə İesu Kristo təmol e nian in təmimis e nig kəməluau. O nat əh inəh, nolən min rəha nətueintən okol kəsotiuw rəkisən rəhak nətəligən, kənu netəm e nətueintən itəm kəsotahatətəən e Uhgın, ilat kəsotolkeikeən nolən itəm iatətəupən.

¹⁵ Okəmə Uhgın in otol suah kit tuwa in etəm wi, kən in otol suah əh, tətuatip e niganəmtin, nat əpnapın okəmə kəməhg-ipən o kəsəhg-ipənən.

¹⁶ Kən roiu, ekatəfak o netəm min u koatətəupən wır nəghatən u, ilat noanol ətuatip min rəha Uhgın. İatəfak məmə, pəs nəməlinuən rəha Uhgın ne rəhan nasəkitunən otatig olat.

¹⁷ Rəhak u namnun nəghatən. Io esolkeikeən məmə suah kit otən min nat tərət lak. Məto-inun iatəmik əh nəme niməgəm itəm kəmaht io e kəpiel apın kən kəmalis io. Nəme niməgəm min u, tatəgətun məmə io, slef rəha İesu.

¹⁸ Piak min ne winik min, iatəfak məmə İrəmərə İesu Kristo otawte-in rəhan nəwırən otəmat. Əwəh.

North Tanna New Testament
The New Testament in the North Tanna Language of
Vanuatu
Le Nouveau Testament dans la langue du Nord Tanna
de Vanuatu

copyright © 2010 Wycliffe Bible Translators, Inc.

Language: North Tanna

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-03-11

PDF generated using Haiola and XeLaTeX on 18 Apr 2025 from source files dated 31 Aug 2023

46e9a2b5-26b8-5301-a079-623f3a20ef8b